



UNDULAT-IUTEQARNISSAMUT ILITSERSUUT

Uumasoq pillugu naatsumik

- Nalinginnaasumik 18-20 cm.-sut angitigilersinnaavoq 26-29 gr.-isullu oqimaassuseqaler-sinnaalluni
- 12-nik ukioqalersinnaavoq
- Angisuumik ineqartinneqartariaqarpoq, illulluunniit ilua tamaat
- Inaa 100 x 50 x 50 cm.-isut angissuseqassaaq, ullormulli anginerusumiissinnaasariaqarluni
- Sungiusarneratigut nujuitsunngortinneqarsinnaavoq
- Ullut tamaasa naatitanik paarnanillu nutaanik pisariaqarpoq
- Ullormut undulateqatiminik attaveqarsinnaasariaqarpoq (inissaqarluartumi kinguaassior-sinnaajunnarsinneqarsimappatalu)
- 5-6-inik manniliortarpoq, ullut 18-it tukertitsiniartarpoq

Imarisai

- 1 Uumasup suussusia
- 2 Inersimasup angissusia
- 3 Ukioqqortutigilersinnaassusia
- 4 Inissaata angisusissaa ilulissaalu pillugit inassuteqaatit
- 5 Naleqqussarnissamut immikkut pisariaqartitsineq – soorlu inip kiassusia
- 6 Ukkatarinnineq
- 7 Nerisaqartitsineq
- 8 Attaveqarneq
- 9 Kinguaassiorneq, piaqqineq, kinguaassiorsinnaajunnaarsitsineq
- 10 Nappaateqarneq iluaagisaqarnerlu
- 11 Paasissutissat allat



1. Uumasup suussusia

Undulatit (Melopsittacus undulatus) mikisuupput, papegøje iluserittoq (ilaqutariinnut Psittacidaeinut ilaqutaasoq), 18-20 cm.-erisut angissuseqalersinnaasoq.

Australia tamakkerlugu siaruarsimapput sumiiffinni panilaartuni isungutalaartunilu. Undulat pinngortitami najugalik taamaallaat qalipaateqarpoq qorsummik, qorsorpaluartumik niaqualu sungaartuulluni; ukiulli ingerlanerini kinguaassioqarneratigut assigiinngitsorpasuumik qalipaateqartoqalersimavoq, soorlu undulatit tungujortuinnarmik, sungaartuinnarmik qaqortuinnarmilluunniit qalipaattillit siumugassaalersimasut.

2. Inersimasup angissusia

Angissusia 18 cm., oqimaasussia 26-29 gr. Undulatit saqqummersitsinissanut aalajangersimasunut ilaasartussatut kinguaassioqarneratigut anginerulaarsinnaapput.

3. Ukioqqortutigilersinnaassusia

Undulatit nalinginnaasumik 8-12-inik ukioqalersinnaapput.

4. Inissaata angisusissaa ilusilernissaalu

Inaat ima angitigissaaq allaat undulat timmisinnaassalluni. Taamaattumik inassutigineqarpoq inaat minnerpaamik 100 x 50 x 50 cm.-isut initutigissasoq. Inaat ilusilerneqassaaq qisunnik mitsimaarfigisinnaasaannik assigiinngitsunik issussusilinnik inaasa ungaluisa isuini ikkunneqartussanik, taamaalilluni inimik iluani timmiffissaqartillugit. Inaat natermiissanngilaq, nerrivimmi ilisivimmiluunniit noqqoruuffiunngitsumi toqqaannarlu seqinermik saqqersimaffiunngitsumi inissinneqarsinnaavoq.

Imerfii nerisassaasiviilu inissinneqassapput timmissat anarfigisinnaanngisaannut. Inaata naqqa aviisikunik iperterpata ingipallanneqarsinnaasunik qallersimaneqassaaq. Undulatit inimik naqqani sioqqanik pisariaqartitsinngillat, sioqqanillu nerisoorunik erlavimmikkut ajoqutiginnaavaat. Undulatit arlallit ataatsimoortillugit uumasutiginneqarsinnaapput. Taamaassappat inaat pitsaasunik ungaluugartalik (voliere) minnerpaamik 300 cm.-nik takissuseqartariaqarpoq, 100 cm.-erisut silissuseqarluni 200 cm.-erisullu portussuseqarluni. Inaannit isersimaarfigisinnaasaaminnut qiananngitsumut 0,5 x 1,0 m²-inik angissusilimmik illuaraqartinneqassapput.

Inaat silamiittussiaq isaaffilerneqassaaq timmissat anillassinnaaqunagit.

5. Naleqqussarnissamat immikkut pisariaqartitsineq

Undulatit uffarnermik nuannarisarput ullullu tamaasa ipeqanngitsumik imermik pisariaqartitsillutik. Undulatit kiassusermik aalajangersimasumik immikkut piumasaqanngillat, silamilu inissiamik ungaluukkat iluanni ukioq kaajallallugu ineqarsinnaallutik, qerinanngitsumi illuaqqamik oqqiffissaqartinneqarunik.

6. Ukkatarinnineq

Undulatit susassaqtikkumallugit sapaatip akunneranut arlaleriarluni orpiit orpikkallu avalequtaannik tunineqartarsinnaapput. Soorlu orpiit bøg, birk, pil, hassel, æble, pære, fyr aamma gran naleqquttuupput. Orpik taks atunngisaannaruk taannami toqunartoqarmat.

Immikkut sammisassaqtikkumallugu inaani plastikkinik pinngussanik nivinngaasoqarsinnaavoq. Avalequtit pinngussalluunniit inaalineqartassapput iniminni timmisinnaaneri akornusernagit.

Siunnerfilimmik sungiusaanikkut undulatit nujuillisinneqarsinnaapput oqaatsinillu ataasiakkaanik oqarnissaannik ilikkartinneqarsinnaallutik. Undulatit mattusimasumi ineqartinneqarpata ullormut inaannit anisilaarlugit timmisinneqartariaqarput nukii qasujaallisarnissaallu eqqarsaatigalugit.

7. Nerisaqartitsineq

Tungaviusumik nerisassaattut atorineqarsinnaapput undulat-inut immikkut nerisassiat, iisartakkalluunniit akooriikkat.

Undulatit ullut tamaasa naatitanik paarnanillu pisariaqartitsipput. Naatitat ukuusinnaapput, naasupiluit tamangajaasa, soorlu inneruulat allarpasuillu. Naatitavinni gulerødder naleqqunnersaapput. Gulerøddit riverneqassapput mikisunnguanngorlugilluunniit aggorneqassallutik. Paarnani iibilit, pæret, hyben assigisaallu atorineqarsinnaapput. Salatit pilutaat, agurkit allallu isseqarluartut pinaveersaartittariaqarput, isseqarpallaarnermikkut naarluutigilersinnaammatigit.

Undulatit ullut tamaasa imermik nutaamik pisariaqartitsipput.

Taavalu aamma undulatit kalk-imik pisariaqartitsipput imaluunniit siuteqqut puunik grit-inik taaneqartartunik.

8. Attaveqarneq

Pinngortitami undulatit amerlasoorsuakkaarlutik uumasuupput, taamaattumillu undulateqatiminnik peqateqarnissartik pisariaqartittorujussuullugu. Taamaattumik undulatit kisimiitillugit, sapinngisamilli marlukkaartillugit uumasuutigineqartariaqarput.

9. Kinguaassiorneq, piaqqineq, kinguaassiorsinnaajunnaarsitsineq

Undulatit timmiaapput kinguaassiorumatoorujussuit. Pinngortitami orpiit sulluini ulloqartarput. Uumasuutigitillugit ulluliorfigisinnaasaannik karsinik illuaraqartinneqartarput. Ulluliorfissaasa naqqi 15 x 15 cm-inik initsuseqartariaqarput, 25 cm-inillu portussuseqassallutik. Ulluliorfissaata putua 4 cm.-inik diametereqartariaqarpoq. Ulluliorfissaata naqqa sannakuaralernerneqarsinnaavoq, issuatsiaanik qallerneqarsinnaavoq imaluunniit biostrølse (heste-nut naleqqussagaq) atorineqarsinnaalluni. Tamakku annertunaarneqarsimappata arnavissap nammineq ilanngartersinnaavai.

Nulioernerup kingorna arnaviaq ulloq allortarlugu manniliortarpoq. Agguaqatigiissillugu 5-6-inik manniliortarpoq. Ivaneq aallartittarpoq nalinginnaasumik manniup aappaata manniliarineqareerneratigit. Ivaneq ulluni 18 miss. sivirususeqartarpoq. Tukeqqaartarput siulliit marluk, taavalu tullii ulloq allortarlugu tukertarlutik. Arnavissap ivanerata nalaani angutivissamit nerlersorneqartarpoq, arnavissallu ivanermi nalaani ulluni ullormut minutsialunnguannarni qimassimasarpaa. Ivanerisa nalaanni nerukkaattisanik æggefoder (uomasuerniarfinni pisiassaapput) nerisinneqartassapput naasupilunnillu kingunissalinnik

nerukkarneqartassallutik. Tukernerminniit qaammatip qaangiunnerani piaqqat ullortik qimattarpaat, sulili sapaatip akunnerini marlunni angajoqqaaminnit nerisinneqartarlutik.

Kinguaassiornissaat ima sakkortutigisinnaasarpog undulatit namminneq ulluliorfigisinnaasaminnik illuaqquunneqanngikkaluarlutik manniliortarlutik, arnavissallu kisermaat inigisamik naqqani manniliornialersarlutik. Ulluliorfissaqannginnertik pillugu uippakajaarpallaaleqqunagit ulluliorfigisinnaasaannik illuaqqrneqartariaqarput manniliorfigisinnaasaannik. Arnavissat kisimiittut angutivissamik ilaqartinneqartariaqarput kinguaassiornissaat periarfissillugu.

10. Nappaateqarneq iluaagisaqarnerlu

Timmissat nappaateqarnertik toqqorsimallaqqissuuaat. Taamaattumik timmiaaqqat ilorrisimaarnersut alapernaalluartaqarpoq, pissusissamisuunngitsoqarpat piffissaatillugu ikiorserneqapallanneqarsinnaaniassammat. Timmiaaraq peqqissoq uummaarissuuvog ullullu ingerlanerani akuttunngitsumik tingisarluni qallortarlunilu. Meqqui sukangasuujupput, eqqiluittuullutik pujattuullutillu. Siggui isigaallu eqqiluitsuupput panerlutillu, isaallu qillaarissuullutik alapernaasertuullutillu.

Timmiaaqqap napparsimasup nappaateqarnini assigiinngitsorpassuartigut takutissinnaavaa. Nappaateqarnerani takussutissat nalinginnaanerpaat makkuupput:

- Neriumannginneq, timmiaaraq nerisami eqqaaniippoq nerinanili
- Timmiaaraq pullappog, qasoqqarpassippoq, niaqqilu sulummi ataaniitippaa, aamma ulluunerani
- Isai qaminngangajupput, anersaartornera oqimaappog, nissunilu marluk atorlugit mitsimaarluni
- Anaa tipeqarpoq

Napparsimanagera ersareqippata taamaalinerani napparsimasorujussuannogoreersimassaaq, piaarnerpaamillu uumasup nakorsaanut takutinneqartariaqarpoq.

11. Paasisutissat allat

Annertunersaa qorsuuvog sungaartumik niaqulik, qatigaalu qernertorasaartoq. Arnavissat angutivissallu assigiipput, taamaallaat angutivissap sorluisa paavisa amiat kajorujuttuuvog. Kinguaassiertitsinikkut timmiaaqqat assigiinngitsorpassuarnik qalipaateqalersinneqarsimapput, tungujortut, qasertut, sungaartut, tunguusat qorsuillu assigiinngitsunik milallit. Undulatit saqqummersinneqarnissartik siunertaralugu kinguaassiertinneqarnikut undulatinut nalinginnaasunut sanilliullugit anginerulaarput. Tamakku aamma taaneqartarput engelsk undulat.

Undulatit aallaqqaammut najugaqarfia Australiap qiterpasissuaniippoq nuna panertoq. Nunaminertat nutaanik ivigartallit akuttusuunillu orpillit amerlasoorsuannogorlutik, ilaanni tusintilippassuannogorlutik, najorusunnerusarpaat. Ivikkat kingunissaanik inerilluarneqanngitsunik naasullu pukkitsut kingunissaannik kiisalu orpiit avalequtaannik puttutilersunik, orpiit orpikkallu pilutaannik nerisaqartarput.



QUJANAQ ILITSESUUT UNA ATUARAKKU.
APEQQUTISSAQARUIT KALAALLIT NUNAANNI UUMASUT IKINNGUTAI
APERIIN-NARSINNAAVATIT.
WWW.DYRENESVENNER.GL